

1

मुडाव मा दड?




0333CH01



गोबाव सम सिगां ताराकेश्वरआव गंसे मोसौ गुमग्रा नख'र दंमोन ।
सानफ्रोमबो देबा आरो दिपआ मोसौफोरखौ गुमनो थाखाय
बायजोआव लांदोंमोन । बिसोर गासैबो मोसौफोरजों लोगोसे बेलासि
समाव फैफिनोमोन ।

सानसेखालि, देबाया सोंदोंमोन: जों माबोरै मिथिनो हागोन दि जों
मासेबो मोसौ गोमायाखै? बिसोर साननो रोडामोन ।

देबा आरो दिपआ मा खालामनो हायो?



बिसोरनि लोगोआ बिसोरनो मोनसे सानदांथि होदोंमोन: जेब्ला
नों बायजोआव थाडो, अब्ला गेटनिफ्राय ओंखारलानाय
माफ्रोमबो मोसौनि थाखाय इनजुराव मोनसे दागो बानाय ।
फिन जेब्ला नों फैफिनो, जेब्ला मासे मोसौआ गेटनि गेजेरजों
फैफिनो अब्ला इनजुराव मोनसे दागो खालाम ।

अखानायै बिसोरो गावसोरनि लोगोनि सानसिखौ
उनसंदोंमोन, आरो जेब्ला बिसोरो न'आव फैफिनो
अब्ला गासैबो दागोफोरा गोमादोंमोन ।




गासैबो मोसौफ्रा न'आव फैफिनदोंमोन नामा?

माखासे बिसोरनि उनाव, बिसोरनाव आरोबाव
गोबां मोसौ मोनबावदोंमोन । सानसेखालि, जेब्ला
बिसोरो न'निफ्राय ओंखारलांदोंमोन अब्ला
बिसोरनि इन्जुराव गोबां दागोफोर दंमोन ।

बेनिखायनो, बिसोरहा दंमोन मोसौफोर ।

अखानायै बिसोर मोसौफोरखौ लाना फैफिननायसै ।
जेब्ला माफ्रोमबो मोसौआ गेटआव हाबफिनदोंमोन
अब्ला बिसोरो मोनसे दागो होदोंमोन । इन्जुराव
दासिमबो मोनै दागो दंमोन नाथाय बिसोरो
बायजोआव मासेबो मोसौ नुवाखैमोन । बिसोर जिंगासिदोंमोन ।



देबा आरो दिपआ मानो जिंगा सिदोंमोन ?

न'आव बेसेबां मोसौफोर सौफैखो ?

देबा आरो दिपआ गोखै गोमानाय मोसौफोरखौ नागिरनो थांदोंमोन आरो बिसोरखौ खाथिनि फोथाराव मोनदोंमोन । बिसोर गासैबो
खुसिजों जयै न'आव फैफिननायसै ।

बिसोरनि लोगो हेमन्तनाव मा 36 मोसौ आरो मा 23 बोरमा मेन्दाफोर दंमोन ।

देबा आरो दिप बायदि दागो होनानै हेमन्तखौ गावनि मोसौ आरो बोरमा मेन्दाफोरनि सायाव नोजोर लाखिनायाव मदद खालाम ।



फोरोंगिरिनि मावफारिलाय: गथ'फोरखौ अनजिमा बाहाया लासेनो मुवाफोरनि गिदिर हानजाफोरखौ साननो थाखाय गुबुन-
गुबुन आदबफोरनि बागै साननो थुलुंगा हो । बिसोरो गोजौनि सल'खौ मोनसे हाबाफारि महरैबो बाहायनो हायो जेराव बिसोरो
थाखो खथायाव हाबनाय आरो ओंखारनाय गासैबो गथ'फोरनि सायाव नोजोर लाखिनो हायो ।



फै जों खालामनि

1. माखासे जुनार आरो दावफोरा मोनसे गेलेमु गेलेनो थाखाय ज' जादोंमोन । बिसोर मोन 2 हानजा बानायनो लुबैदों । बिसोरो थिरांथा लादोंमोन दि केटेनआ गिबि हानजायाव बयनिखुइबो गोलावसिन मुं थानाय हानजा जागोन, थामहिनबा मोनसे बांसिन हांखोफोरजों । नैथि हानजानि केटेनआ जागोन बयनिखुइबो गुसुंसिन मुं गोनां, थामहिनबा बयनिखुइ खमसिन हांखो गोनां ।



मोन 2 हानजानि केटेनफोरखौ नागिर ।

गिबि हानजा :

हांखो साननाय :

नैथि हानजा :

हांखो साननाय :

नों मिथिगौ नामा
जायखिजाया जुनारनि
मुडा गिबि हानजानि
केटेननिखुइ गोलावसिन
जायो?

2. सोरहा गोलावसिन मुं द? सावराय ।



आंनि मुडा
गोलावसिन ।



महेश कार्तिक

3. गाहयाव होनाय जायगाफोराव नॉनि माखासे लोगोफोरनि मुंफोरखौ लिरना दोन । क निफ्राय च सिम सोंनायनि फिन्नाय हो ।

.....		
.....		
.....		
.....		
.....		

क. टिक खालाम ☒ बयनिखुइबो गोलावसिन मुं आरो क्रस खालाम ☐ बयनिखुइबो गुसुंसिन मुंखौ ।

ख. नॉनि मुंनि जागायजेन्नाय हांखोखौ लिर ।

ग. रोखोमसे मुंफोरखौ सान जायहा नॉनि बायदि एखे जागायजेननाय हांखो दं ।

घ. बबे जागायजेन्नाय हांखोआ बांसिन बाहाय जायो ? सान जाय मुंफोरा बेजों जागायजेनो ।

ङ. रोखोमसे जोबनाय हांखोजों मुंफोरखौ सान ।

च. जाय हांखोफोरा जायखिजाया मुंनि जागायजेन्नाय हांखो नडा बेफोरखौ लिर ।



फोरोंगिरिनि मावफारिलाय: फोरोंगिरिया गथ'फोरखौ हौवासा आरो हिनजावसाफोरनि गेजेराव आरो गासै थाखोआव बयनिखुइबो गुसुंसिन आरो गोलावसिन मुंफोरखौ दिन्थिनो थिननो हायो । थाखो खथायाव सावरायनायनि गेजेरजों बिसोरनि मावखान्थिखौ रानलायनायाव बिसोरखौ मदद खालाम ।

4. तेजि आरो ज'ज'आ बे कार्डफोरखौ बाहायनानै अनजिमा बानायगासिनो दं।

से	नै	थाम	जि	जिसे	जिनै	जिथाम
त्रै	बा	द	जिब्रै	जिबा	जिद	
सि	दाइन	गु	जिसि	जिदाइन	जिगु	
नैजि	थामजि	त्रैजि	बाजि	दजि	सिजि	दाइनजि
					गुजि	



तेजिआ गावनि र'ल नम्बर 43 खौ बेबादिनो बानायो। बेनि अनजिमानि मुडाव 10 हांखोफोर दं।

त्रैजि

थाम

ज'ज'आ गावनि र'ल नम्बर 17 खौ बेबादिनो बानायो। बेनि अनजिमा मुडा जाबाय हांखोफोर।

जिसि



क. गोजौआव दिन्थिनाय बायदि नम्बर कार्डफोरखौ बाहायनानै नौनि र'ल नम्बरखौ लिर। बिजाबनि जोबनायाव नम्बर कार्डफोर होनाय जादों।

- आंनि र'ल नाम्बारा जाबाय
- बेनि अनजिमा मुडा हांखोफोर।

ख. नौनि माफारि बिजाबाव माखासे अनजिमा आरो बेफोरनि अनजिमानि मुंफोरखौ लिर। मोनफ्रोमावबो मोनबेसे हांखोफोर थायो?



जोखौ साननो हो




तेजि आरो ज'ज'आ 56 (बाजिद) अनजिमा बानायदोंमोन। बेहा मोन 8 हांखोफोर दं। 1 आरो 99 नि गेजेराव 8 हांखो थानाय गुबुन अनजिमाफोरखौ लिर।

बाजि

द

त्रैजिनै

42



फोरोंगिरिनि मावफारि: गथ'फोरखौ बै अनजिमाफोराव मा सरासनसा बेखौ नोजोर हो, जायनि अनजिमानि मुंफोराव रोखोमसे हांखोफोर दं।



फै जों खालामनि

1. 1 आरो 99 नि गेजेरनि अनजिमाफोरखौ लिर जायहा बयनिखुइबो गोलावसिन मुं दं।

नायगिरना दिहुन.

आंनि मुंनि अनजिमायाव मोननै सोदोब दं।
गिबि सोदोबाव मोन 6 हांखोफोर दं।
नैथि सोदोबाव मोन 5 हांखोफोर दं।
आं 100 नि जोबोद खाथियाव दं। आं सोर?

नायगिरना दिहुन.

आं आरो आंनि लोगोफोरनि अनजिमाफोरा
63 निफ्राय 78 सिम |
आंनि गासै लोगोफोरनि गेजेराव आंनि मुंनि
अनजिमाया बयनिखुइबो फिसासिन। आं सोर?

2. गावनि नटबुकाव रोखोमसे पाजल बानायना ला आरो नोंनि थाखो लोगोफोरनाव सों।

वेंकटनारसिंहराजुवारिपेटाया जाबाय भारतनि बयनिखुइबो गोलावसिन मुं थानाय जायगा। बेयो तामिलनाडुनि सिमा खाथियाव अन्ध्र प्रदेश आव दं।



1..2..
3...



अडिशानि आइबि आरो गुजरातनि अदिआ भारतनि बयनिखुइ गुसुंसिन मुं थानाय जायगाफोर।

तेजि आरो ज'ज'नि खाथियाव माखासे सावगारि कार्ड दं। तेजिआ बेफोरखौ मोनै हान्जायाव बेबादि खालामदों:



बियो कार्डफोरखौ “जायफोरा जामुं जायो” आरो “जायफोरा जामुं जाया” याव ज ‘खालामदोंमोन । ज ‘ज’ आ एखे कार्डफोरखौ गुबुन-गुबुन रोखोमै साजायो ।



ज’ज’आ बानायनाय मोनफ्रोमबो हानजाफोराव मा सरासनसा दं?

गाहायाव माखासे नख’रारि मुवाफोरनि सावगारिफोर होनाय जाबाय



गाहायाव होनाय मोनै हानजायाव गोजौनि मुवाफोरनि मुंफोरखौ लिर ।

मोब्लिबनि गोनांथि
जानाय मुवाफोर

मोब्लिबनि गोनांथि
गैयै मुवाफोर

गोजौआव होनाय बेसादफोरखौ गुबुन रोखोमै हान्जा खालाम । बेफोरखौ गाहायाव थानाय जायगायाव लिर ।



फै जों खालामनि

खानाइनि महर (स्टाइल)

मालाया फरायसालियाव थांगासिनो दं ।



बिनि बिमाया बिनि खानाइखौ खानबाय ।



मालाया खानायखौ फारनै खादों ।



नोंनि थाखोनि गथ'फोरखौ नाय ।






गासैबो गथ'फोरा गावसोरनि खानाइखौ गुबुन-गुबुन रोखोमै खानदों ।

नाय आरो लिर

खानाइनि महर



गथ'फोरनि अनजिमा



फोरोंगिरिनि मावफारिलाय: गथ 'फोरखौ गोबां बाध्राफोर बोसोन होनो थाखाय बुं आरो बिसोरखौ हानजाफोराव थि महुरै दोन । गुबुन जानो हाथाव हानजा खालामनायनि आदबफोर दंना गैया बेखौ सावराय । ज खालामनायनि गुबुन-गुबुन राहाफोरखौ थुलुंगा हो जेराव मोनफ्रोमबो मुवाया मोनसे एबा गुबुन हानजाजों सोमोन्दो गोनां जानांगौ ।